

Na osnovu Odluke Vlade Tuzlanskog kantona o odobravanju novčanih sredstava za sanaciju (rehabilitaciju) lokalnih i nerazvrstanih cesta na području Tuzlanskog kantona - potrošačka jedinica 22010001, broj 02/1-23-4055-1/26 od 17.02.2026. godine, JU Direkcija regionalnih cesta TK, objavljuje:

JAVNI POZIV
za raspodjelu novčanih sredstava za projekte sanacije (rehabilitacije) lokalnih i
nerazvrstanih cesta na području Tuzlanskog kantona

I

Predmet javnog poziva je raspodjela novčanih sredstava za projekte sanacije (rehabilitacije) lokalnih i nerazvrstanih cesta na području Tuzlanskog kantona u iznosu od 5.000.000,00 KM koji je odobrila Vlada Tuzlanskog kantona sa potrošačke jedinice 22010001 – Ministarstvo trgovine, turizma i saobraćaja (u daljem tekstu: Ministarstvo), ekonomski kod 615300, subanalitika MA0002, funkcija 0451 - Kapitalni transferi neprofitnim organizacijama – sanacija/rehabilitacija lokalnih i nerazvrstanih cesta na području Tuzlanskog kantona, na transakcijski račun JU Direkcija regionalnih cesta TK (u daljem tekstu: Direkcija), a u skladu sa uslovima i kriterijima za raspodjelu novčanih sredstava utvrđenim u Odluci Vlade Tuzlanskog kantona o odobravanju novčanih sredstava za sanaciju (rehabilitaciju) lokalnih i nerazvrstanih cesta na području Tuzlanskog kantona - potrošačka jedinica 22010001, broj 02/1-23-4055-1/26 od 17.02.2026.godine (u daljem tekstu: Odluka Vlade Tuzlanskog kantona).

Prema uslovima i kriterijima iz tačke 4. Odluke Vlade Tuzlanskog kantona ukupna sredstva od 5.000.000,00 KM su raspoređena po jedinicama lokalne samouprave (općinama/gradovima) u sljedećim iznosima:

1. Grad Živinice	508.028,04 KM,
2. Grad Lukavac	489.492,74 KM,
3. Grad Tuzla.....	799.517,39 KM,
4. Općina Kalesija.....	399.683,45 KM,
5. Grad Srebrenik.....	410.806,02 KM,
6. Općina Banovići.....	292.730,62 KM,
7. Grad Gračanica.....	564.545,47 KM,
8. Grad Gradačac.....	400.928,47 KM,
9. Općina Kladanj.....	262.244,09 KM,
10. Općina Čelić.....	222.590,37 KM,
11. Općina Sapna.....	236.783,94 KM,
12. Općina Doboj Istok.....	226.997,01 KM,
13. Općina Teočak.....	185.652,39 KM.

II

Opći uslovi koje moraju ispunjavati podnosioci prijava utvrđeni u Odluci Vlade Tuzlanskog kantona su:

- da se projekti odnose na mrežu lokalnih i nerazvrstanih cesta kojima upravlja nadležna jedinica lokalne samouprave na području Tuzlanskog kantona,
- da se uz zahtjev priloži glavni projekat sanacije (rehabilitacije) lokalne/nerazvrstane ceste,
- da vrijednost projekta ne premašuje odobreni iznos sredstava koji pripada jedinici lokalne samouprave na koju se odnosi projekat, a ako projekat premašuje navedeni iznos, isti mora biti sufinansiran od strane podnosioca prijave ili drugog izvora finansiranja koji će obezbijediti podnosilac prijave,
- da se radi o projektu sanacije (rehabilitacije) lokalne ili nerazvrstane ceste, a ako se radi o kategorisanoj lokalnoj cesti ili ulici podnosilac zahtjeva je dužan u prijavi upisati oznaku ceste/ulice iz Odluke o kategorizaciji kategorizaciji lokalnih cesta i ulica u gradu Tuzla i općinama Tuzlanskog kantona („Službene novine Tuzlanskog kantona“ broj 14/14),
- da se uz prijavu prilože svi traženi dokumenti iz tačke V Javnog poziva.

III

Kriteriji za bodovanje prijavljenih projekata koji se odnose na teritoriju jedne jedinice lokalne samouprave (općinu/grad) prema Odluci Vlade Tuzlanskog kantona su sljedeći:

red.br.	kriterij za bodovanje projekata	broj bodova
1	projekat se odnosi na: - kategorisanu lokalnu cestu/ulicu - nekategorisanu cestu /ulicu	10 5
2	projekat se teritorijalno odnosi na: - jednu mjesnu zajednicu, - dvije mjesne zajednice, - tri ili više mjesnih zajednica.	1 5 10

Na osnovu ovih kriterija će se izvršiti odabir projekata koji će se finansirati/sufinansirati po pojedinim jedinicama lokalne samouprave na području Tuzlanskog kantona.

Na osnovu izvršenog bodovanja prijavljenih projekata po jedinicama lokalne samouprave, Komisija će formirati rang listu projekata, na osnovu koje će Direkcija formirati prijedlog Odluke o odobrenim projektima sanacije (rehabilitacije) lokalnih i nerazvrstanih cesta na području Tuzlanskog kantona.

IV

Ukoliko se prilikom bodovanja utvrdi isti broj bodova za više projekata unutar jedne jedinice lokalne samouprave prednost ima projekat za koji je zahtjev ranije podnesen.

V

Prijava se podnosi na propisanom obrascu- Obrazac prijave na javni poziv za sanaciju (rehabilitaciju) lokalnih i nerazvrstanih cesta Tuzlanskog kantona (2026) – (u daljem tekstu: Obrazac prijave na javni poziv) koji se preuzima na web stranici Direkcije (judctk.ba-dokumenti-propisi-ostalo).

Obrazac prijave na javni poziv mora biti uredno popunjen, potpisan i ovjeren od strane nadležne jedinice lokalne samouprave (grad/općina) ili mjesne zajednice na čijem se području nalazi lokalna /nerazvrstana cesta na kojoj se realizuje prijavljeni projekat (obrazac je potrebno čitko popuniti, sve rubrike moraju biti ispunjene, u suprotnom prijava će se smatrati neurednom i biti će odbačena).

Uz Obrazac prijave na javni poziv prilaže se sljedeća dokumantacija:

- original ili ovjerena kopija originala: posjedovnog lista, kopije katastarskog plana i zemljišnoknjižni izvadak za predmetnu lokalnu/nerazvrstanu cestu, a koja je upisana kao javno dobro putevi ili je upis na nadležnoj jedinici lokalne samouprave,
- dva printana primjerka glavnog projekta sanacije (rehabilitacije) lokalne /nerazvrstane ceste,
- jedan primjerak glavnog projekta sanacije (rehabilitacije) lokalne /nerazvrstane ceste u elektronskoj formi,
- potpisana i ovjerena izjava podnosioca prijave da će isti osigurati vlastita finansijska sredstva ili sredstva iz drugih izvora finansiranja za finansiranje iznosa koji premašuje odobreni iznos koji pripada jedinici lokalne samouprave na čijoj teritoriji se realizira prijavljeni projekat,
- ukoliko se vrijednost predmjera i predračuna radova iz projekta razlikuje od iznosa traženih sredstava u prijavi, obavezno dostaviti potpisan i ovjeren predmjer i predračun radova na traženi iznos sredstava.

Ukoliko jedinica lokalne samouprave (grad/općina) ili mjesna zajednica dostavlja više od jednog projekta rehabilitacije (sanacije) lokalne /nerazvrstane ceste, svaki projekat mora biti odvojeno spremljen u zatvorenu kovertu radi evidentiranja vremena podnošenja zahtjeva.

U slučaju odobravanja projekta mjesne zajednice, isti će biti realizovan samo ukoliko jedinica lokalne samouprave (grad/općina) da saglasnost na isti projekat.

VI

Nakon završenog Javnog poziva, Direkcija će sačiniti prijedlog Odluke o odobrenim projektima sanacije (rehabilitacije) lokalnih i nerazvrstanih cesta na području Tuzlanskog kantona koji su zadovoljili uslove i kriterije iz Odluke Vlade Tuzlanskog kantona i dostaviti Ministarstvu zajedno sa pratećom dokumentacijom radi upućivanja na razmatranje Vladi Tuzlanskog kantona.

Na prijedlog Ministarstva, Vlada Tuzlanskog kantona donosi Odluku o odobrenim projektima sanacije (rehabilitacije) lokalnih i nerazvrstanih cesta na području Tuzlanskog kantona, koja će biti objavljena na web stranici Vlade Kantona, Ministarstva i Direkcije.

Nakon donošenja Odluke o odobrenim projektima sanacije (rehabilitacije) lokalnih i nerazvrstanih cesta na području Tuzlanskog kantona, Direkcija će sklopiti sa nadležnim jedinicama lokalne samouprave kao upraviteljima lokalnih i nerazvrstanih cesta sporazum o saradnji u realizaciji projekata.

VII

Javni poziv ostaje otvoren sedam dana od dana objave javnog poziva na web stranici Vlade Tuzlanskog kantona, web stranici Ministarstva trgovine, turizma i saobraćaja Tuzlanskog kantona i web stranici JU Direkcija regionalnih cesta TK. Javni poziv se zatvara dana 24.03.2026. godine u 16,00 h.

Neblagovremene, neuredne i nepotpune prijave neće se uzeti u razmatranje.

Prijave na javni poziv sa propisanom dokumentacijom dostavljaju se u zatvorenoj koverti u službene prostorije JU Direkcija regionalnih cesta TK, u ulici Albina Herljevića 43, 75000 Tuzla, kancelarija broj 1- na spratu sa naznakom „Prijava na javni poziv za raspodjelu sredstava za sanaciju (rehabilitaciju) lokalnih i nerazvrstanih cesta na području Tuzlanskog kantona – NE OTVARATI“, radnim danom od 7,30 h do 16,00 h.

Broj: 04-23-70-6/26
Tuzla, 17.03.2026. godine.

 **DIREKTOR**
Zijad Omerčić